

***Autoridade Bankária & Pagamentu Timor-Leste nian (ABP)***  
***Banking and Pyments Authority of Timor-Leste***

---

**Relatóriu Trimestrál Fundus Petróleu nian**

**Trimestre ne'ebe hotu iha 31 Marsu 2008**

**KOMUNIKADU IMPRENSA**

Autoridade Bankária do Pagamentu (ABP) ohin lansa Relatóriu Trimestrál ba dala **sanulu resin ida** kona ba Fundus Petróleu Timor-Leste nian ne'ebé hatudu katak Kapitál fundus nian iha 31 Marsu 2008 hamutuk millaun \$2,629.96 kompara ho millaun \$2,086.16 iha fin 31 Dezembru 2007.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun US\$479.74 ne'ebé kompostu husi kontribuisaun kontribuinte sira ba Fundus ne'e hamutuk millaun US\$ 221.73 no kontribuisaun realeza (*royalty*) sira husi ADTT (*Autoridade Designada Tasi Timor*) hamutuk millaun US\$258.01.

Jurus fundus ne'ebé hetan hamutuk millaun USD\$20.30 durante trimestre ne'e, enkuantu mudansa iha valór merkadu nian hamutuk millaun USD\$44.02.

Rendimentu kona-ba Fundus Petrolu durante trimestre ne'e mak 2.99%, enquantu Rendimentu referênciá (*benchmark return*) durante trimestre mak 3.04%. Rendimentu portfoliu durante trimestre ne'e mak pontu baze 5 kiik liu duké rendimentu referênciá (*benchmark*) ne'ebé mak iha mandatu  $\pm 25$  pontus baze nia laran.

Total hamutuk rihun \$260.69 deduz ona husi Fundu ne'e ba kustu jestaun nian durante trimestre ne'e.

Lei Fundus petróleu nian spesifika katak Autoridade Bankaria do Pagamentu nu'udar Banku Sentráil Timor-Leste iha futuru, mak nu'udar ajente ne'ebé responsavel ba jestaun operasionál fundus Petroleu nian. Ministériu Finansas responsavel ba estableimentu estratéjia investimentu tomak ba Fundus. Mandatu ne'ebé mak fornese ba Autoridade Bankaria do Pagamentu mak atu maneja fundus ho Indisé Merrill Lynch tinan 0-5 ou ho durasaun husi tinan zero to'o tinan lima iha merkadu instrumento finansas Governu Estados Unidus. Autoridade Bankaria do Pagamento maneja ona portfoliu besik liu ho pontu referensia trimestre dala sanulu resin ida dahuluk. Diferensia entre portfoliu no pontu referensia hahú husi inísiu fundus nian mak pontu baze 5 iha meta mandatu  $\pm 25$  pontus baze nia laran.

Pontu importante husi Relatóriu Trimestre ba dala XI, ne'ebé kobre período 1 Janeiru to'o 31 Marsu 2008, inklui:

- Saldo balansu inísiu hamutuk millaun \$2,086.16
- Reseita brutu durante trimestre ne'e hamutuk millaun \$479.74 ne'ebé kompostu husi reseita kontribuinte sira hamutuk millaun USD\$221.73 no reseita realeza husi ADTT (*Autoridade Designada Tasi Timor*) nian hamutuk millaun \$258.01 husi ne'ebé osan-kontadu ne'ebé mak sai hamutuk rihun USD\$260,69 ba taxa jestaun nian durante trimestre ne'e. Osan-kontadu líkidu ne'ebé tama hamutuk millaun US\$479.48.
- Rendimentu portfolio mak 2.99% durante trimestre no rendimentu referensia (*benchmark*) mak 3.04%
- Rendementu investimentu durante trimestere ne'e mak \$64.32 millaun kompostu husi jurus titulus nian \$20.30 millaun e alterasaun valor titulus mak millaun \$44.02.
- Saldo balansu ikus hamutuk millaun US\$2.086,16

Durante trimester ne'e, ABP kontinua ho jestaun projetu *custodian* nian ho assistensia peritus kompania konsultor internasional ida.

ABP mos durante trimester nee numeia Compania Lei Intrnasiona ida hodi fo akonselhamentu legal ba ABP iha relasaun ho kontratu sira ho parte externu no seluk tan karik mosu.

Diretur Ezekutivu Departementu Fundu Petroleu iha ABP nian kontinua partisipa iha Grupu Servisu ida nebe estabese husi Ministra Finansas nian ho objetivu atu hare fali alokasaun estratéjiku óptimu patrimóniu (*optimal strategic asset allocation*) nian iha limite Lei Fundu Petróleu nia laran no atu sujere mudansas nebe apropiadu iha konvensaun (*rules*) investimentu no instrumentus qualifikadu iha Lei Fundu Petróleu nian nomos respetivamente iha Akordu Jestaun nia laran.

ABP kontinua ho prosesu selsaun gestores externus naun komersiais.

Relatóriu trimestrál ne'e, nu'udar mós lei Fundus Petróleu nian no Akordu Jestaun, disponivel husi sítiu Autoridade Bankária & Pagamentu [www.bancocentral.tl](http://www.bancocentral.tl)

Ba informasaun adisionál bele hetan husi:

Venancio Alves Maria  
Diretór Ezekutivu  
Jestaun Fundus Petróleu nian,  
Autoridade Bankária & Pagamentu Timor-Leste nian  
Korreiu-Eletróniku: [venancio.maria@bancocentral.tl](mailto:venancio.maria@bancocentral.tl)  
Telefone: +(670) 3313718

Dili, 8 Maio 2008